

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ broj: 49/06 i 51/09) i člana 18. i 115. Statuta općine Jablanica („Službeni glasnik općine Jablanica“, broj 2/09), Općinsko vijeće Jablanica, na svojoj II (2) sjednici održanoj dana 10.12.2016. godine, d o n o s i

O D L U K U
o promjeni Statuta Općine Jablanica

Član 1.

Vrši se promjena Statuta Općine Jablanica („Službeni glasnik općine Jablanica“, broj 2/09) kako slijedi.

AMANDMAN I.

U članu 21. u stavu 1. tačka b) „donošenja dokumenata prostornog uređenja“ se briše.

U članu 22. u stavu 1. iza tačke a) dodaje se nova tačka b) koja glasi „donosi dokumente prostornog uređenja“, a dosadašnje tačke b), c), d) i e) postaju tačke c), d), e) i f).

AMANDMAN II

U članu 114. stav 1. se mijenja i glasi:

„Postupak za promjenu Statuta Općine pokreće se prijedlogom za promjenu Statuta, a o izmjeni i dopuni Statuta Općinsko vijeće donosi Statutarnu odluku.“

Član 115. mijenja se i glasi:

“Član 115.

O prijedlogu za promjenu Statuta raspravlja se na sjednici Općinskog vijeća.

Prihvaćeni prijedlog promjene Statuta u formi Nacrta Statutarne odluke o izmjenama i dopunama Statuta dostavlja se vijećnicima/ama Općinskog vijeća, savjetima mjesnih zajednica, udruženjima koja djeluju na području Općine, radi vođenja javne rasprave o predloženim promjenama i davanja primjedbi i prijedloga.

Ako se ne prihvati prijedlog za promjenu Statuta, isti prijedlog se ne može ponovo staviti na dnevni red sjednice Općinskog vijeća, prije isteka šest mjeseci.

Komisija za statutarna pitanja i propise može podnošenjem prijedloga Statutarne odluke predložiti izmjenu i dopunu Statuta radi usklađivanja Statuta sa zakonom bez prethodne rasprave.

Predlagač prijedloga Statuta i prijedloga Statutarne odluke je Komisija za statutarna pitanja i propise.

Statut i Statutarne odluke donose se dvotrećinskom (2/3) većinom glasova svih vijećnika u Općinskom vijeću Općine.“

Član 2.

Ova Odluka stupa na snagu osmog dana od dana objavljivanja u «Službenom glasniku općine Jablanica».

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE

PREDSJEDAVAJUĆI OV-a

Mate Mijić, ing.stroj.

Broj: 02-02-2326-1/16-II
Jablanica, 10.12.2016. godine